

宋人小說彙編

一函  
四冊

宋人小說類編卷二之一

詩詞類

藝祖咏日 第三十六帙話腴

宣宗觀瀑 第六十九帙避暑漫鈔

璫鄰生續御詩 第三十六帙話腴

康與之題御扇 第三十一帙程史

張睢陽詩 第六十九帙避暑漫鈔

袁侍郎詩 第二十帙白獺髓

嚴子陵詩 第四十五帙蓼花洲閒錄

朱買臣廟 第三十三帙談藪

近水樓臺 第二十一帙清夜錄

山居疏茗 第二十七帙玉壺清話

錢塘懷古 第八十三帙船窗夜話

東坡獄中 第六十八帙避暑錄話

草堂集句 第五十五帙對雨編

方嶽論詩 第八十二帙深雪偶談

禁止青蓋 第二十帙白獼髓

遊春黃胖 第二十帙白獼髓

西齋潤筆 第二十七帙玉壺清話

北來題詩 第三十七帙貴耳錄

紅葉詩 第三十三帙談藪

白紙詩 第六十七帙巖下放言

初三初四 第三十七帙貴耳錄

韓詩白詩 第九十二帙泊宅編

楊衡恕未偷詩 第六十五帙玉澗雜書

曼卿始為集句 第四十五帙蓼花洲閒錄

古人詠錢 第七十五帙東谷所見

博士贈盜 第三十六帙話腴

生張熟魏 第六十帙撫掌錄

戚快樊屠 第二十帙白獼髓

縣前蘇小墓 第一百十帙括異志

冢下百年人 第一百九帙睽車志

贈妓唐王詩

第四十七帙豹隱紀談

妓贈新第詩

第八十二帙深雪偶談

張天覺百韻詩

第二十五帙曲洧舊聞

王筠善押強韻

第六十五帙玉澗雜書

芳儀曲

第五十帙吟嘯集

錦堂春詞

第四十一帙東臯雜錄

水龍吟詞

第三十七帙貴耳錄

吳江橋上題詞

第九十二帙泊宅編

償釵詞

第一帙錢氏私志

催妝詞

第三十九帙陶朱新錄

薛沂叔守歲詞

第八十二帙深雪偶談

應次遽梅詞

第八十二帙深雪偶談

阮郎中贈妓詞

第七十四帙豹隱紀談

吳履齋賀新郎詞

第七十四帙豹隱紀談

平江送妓太守詞

第七十四帙豹隱紀談

宋人小說類編卷二之一

詩詞類

藝祖咏日

欲出未出光辣撻千山萬山如火發。須臾走向天上來。趕卻殘星趕卻月。

宣宗觀瀑

宣宗微時。以武宗忘之。遁跡為僧。一日遇黃蘗禪師同行。因觀瀑布。黃蘗曰。我咏此得一聯。而下韻不接。宣宗曰。當為續成之。黃蘗云。千巖萬壑不辭勞。遠看初知出處高。宣宗續云。谿澗豈能留得住。終歸大海作波濤。其後竟踐大位。兆先見於此詩矣。然宣宗以後海內不靖。則作波濤之語。又豈非讖耶。

璫鄰生續御詩

徽廟一日幸來夫人閣。偶灑翰於小白團扇。書七言十四字。而天恩稍倦。顧在側璫曰。汝有能吟之客。可令續之。乃薦鄰里太學。既宣入內侍省。恭讀宸製。不知指意。乞為取旨。或續句呈。或就書扇。左上曰。朝來不喜餐。必惡阻也。當以此為詞。以續於扇。續進。上大喜。會將策士。生於未奏名。徑使造庭。賜以第。扇上御詩曰。選飯朝來不喜餐。御厨空費八珍盤。生續曰。人間有味都嘗遍。祇許江梅一點酸。

康輿之題御扇

康與之在高皇朝。以詩章應制。與左璫狎。適睿思殿有徽祖御畫扇。繪事特為卓絕。上時持玩流涕。以起羹牆之悲。璫偶下直。竊攜至家。而康適來。留之燕飲。漫出以示。璫入取有核。康泚筆書一絕於上。曰。玉輦宸遊事已空。尚餘奎藻繪春風。年年花鳥無窮恨。盡在蒼梧夕照中。璫出見之大怒。而康已醉。無可奈何。明日伺間叩頭請死。上怒。取視之。天威頓霽。但一慟而已。

### 張睢陽詩

張巡之守睢陽。激厲將士。賦詩。接戰春來苦。孤城日漸危。受圍如月暈。分守若魚麗。屢厭黃塵起。時將白羽揮。裹瘡猶出陣。飲血更登陴。忠信應難敵。堅貞諒不移。無人報天地。心計欲何施。又夜聞笛詩。岑亮試一臨。虜騎俯城陰。不辨風塵色。安知天地心。營開星月近。戰苦陣雲深。旦夕高樓上。遙聞吹笛音。

### 袁侍郎詩

嘉定間。因虜交攻。廷臣有以和戰守為言者。謂戰為上策。守為中策。和為下策。是時侍郎胡榘。專主和議。四明袁燾侍郎。專主戰守。遂下侍從臺。今集議後。袁君以此辭歸。太學諸生三百五十四人作詩以送。曰。天眷頻年惜挂冠。誰令今日遠長安。舉幡莫遂諸生願。祖帳應多行路難。去草豈知因害稼。彈烏何事卻驚鸞。韓非老子還同傳。憑仗時人品藻看。今江東倉使狀元甫。即其子也。

嚴子陵祠

范文正公謫睦州。過嚴陵祠下。會吳俗歲祀里巫迎神。但歌滿江紅。有湘江好。洲漠漠。波似染。山如削。遠嚴陵灘畔。鷺飛魚躍之句。公曰。吾不善音律。撰一絕送神。曰。漢包六合網。英豪一個冥。鴻惜羽毛。世祖功臣三十六。雲臺爭似釣臺高。吳俗至今歌之。

朱買臣廟

嚴州壽昌縣道旁。有朱買臣廟。朱謙之詩云。貧賤難堪俗眼低。區區何事便雲泥。會稽乞得無他念。祇為歸來詫故妻。

近水樓臺

范文正公鎮錢塘。兵官皆被薦。獨巡檢蘇麟不見錄。乃獻詩云。近水樓臺先得月。向陽花木易為春。公即薦之。

山居疏茗

黃夷簡閒雅有詩名。在錢忠懿王叔幙中陪尊俎二十年。山居詩有宿雨一番蔬甲嫩。春山幾焙茗旗香之句。

錢塘懷古

有越僧作錢塘懷古詩云。天定終難恃武功。不堪雙淚溼東風。百年南度斜陽外。十里西湖片雨中。燕子來時龍輦去。楊花飛徹鳳樓空。倚闌曾向西湖望。山掩江城霧氣籠。

東坡獄中

蘇子瞻元豐間赴詔獄與其長子邁俱行與之期送食惟菜與肉不測則撤二物而送魚使伺外間以為候邁謹守踰月忽糧盡出謀於他所委其一親戚代送而忘語其約偶得詐送之不兼他物子瞻大駭不免將以祈哀於上而無以自達乃作二詩寄子由祝獄吏致之蓋意獄吏不敢隱則必以聞已而果然神宗固無殺意見詩益動心自是遂從寬釋二詩不載集中今附於此柏臺霜氣夜淒淒風動琅璫月色低夢繞雲山心似鹿魂飛湯火命如雞額中犀角真吾子身後牛衣愧老妻他日神遊定何所桐鄉應在浙江西聖主如天萬物春小臣愚昧自忘身百年未了須還債十口無家更累人是處青山可藏骨他時夜雨獨傷神與君今世為兄弟更結來生未了因

草堂集句

予於東園作草堂欲采唐人詩句書之壁而未暇也姑錄之於此杜公云西郊向草堂昔我去草堂草堂少花今欲栽草堂塹西無樹林白公有別草堂三絕句又云身出草堂心不出劉夢得傷愚溪云草堂無主燕飛回元微之和裴檢書云清江見底草堂在錢起有暮春歸故山草堂詩又云暗歸草堂靜半入花源去朱慶餘稱著朱衣入草堂李涉草堂曾與雪為鄰顧況不作草堂招遠客郎士元草堂竹徑在何處張籍草堂雪夜攜琴宿又云西峯月猶在猶憶草堂前武元衡多君能寂寞共作草堂遊陸龜蒙草堂祇待新秋景

又云草堂盡日留僧坐。司空圖草堂舊隱猶招我。章莊今來空訝草堂新。子蘭策杖吟詩上草堂。皎然有題湖上草堂云。山居不買剡中山。湖上千峯處處閒。芳草白雲留我住。世人何事得相關。

### 方嶽論詩

最愛竇庠新入諫院。喜內子至絕句。一旦悲歡見孟光。十年辛苦伴滄浪。不知筆硯緣封事。猶問傭書日幾行。使彥周評此。則以竇氏內為不解事婦人矣。所謂癡人前說夢也。此帙是方嶽論詩佳句。如相看臨野水。獨自上孤舟。長因送人處。憶到別家時。又有人立梅花月正高句。皆可錄。甚愛賈閬仙嘗從貴游觀書卷首題云。長江風送客。孤館雨留人。語出唐人必矣。不知即是閬仙詩也。何人所云。檢得補注。仇注杜詩三十二卷三十五張。載楊氏丹鉛錄云。賈島詩。長江風送客。孤館雨留人。為平生之冠。而集中不載。僅見於坡詩注。所引卒未知是東坡何詩注也。

### 禁止青蓋

嘉定癸酉。臣僚請禁止都城青蓋。兩學俱以見蓋出入。有外郡參學士人人。都不知所禁。被獲入公府。士人乞供對。而書詩曰。冠蓋相望古所然。易青為皂且從權。中原多少黃羅蓋。何不多多出賞錢。州府逐捕人而遣之。然見蓋終非中都所宜用者。

### 遊春黃胖

開禧初權臣用事之日。以所賜南園新城會諸朝士。席間分題各賦春景。以都城外土物為題。時一朝士姓俞。分得遊春黃胖。都城春間湖邊。以泥製黃土偶。謂之土宜。俞即賦曰。兩腳懸空欲弄春。一人頭上又安人。不知終入兒童手。筋骨翻為陌上塵。薄有所譏。談數亦載此事。明說韓侂冑耳。考字典。託或作侂。說文論語。可以侂六尺之孤。今文作託。宋韓侂冑名取此。

### 西齋潤筆

李翰及第於和凝榜下。後與座主同任學士。會凝作相。翰為承旨。適當批詔。次日於玉堂輒開和相舊闔。悉取圖書器玩留一詩於榻。攜之盡去。詩曰。座主登庸歸鳳閣。門生批詔立黿頭。玉堂舊闔多珍玩。可作西齋潤筆不。

### 北來題詩

辛卯歲北來人數百輩。暫寓於襄陽府光孝寺。有一人題詩於壁云。干戈未定各何之。一事無成兩鬢絲。蹤跡大綱王粲傳。情懷小樣杜陵詩。春令信斷雲千里。烏雀驚飛月一枝。安得中山千日酒。陶然直到太平時。雖未為絕唱。讀之亦使人增感也。

### 紅葉詩

唐小說記紅葉事凡四。其一本事詩。顧況在洛。乘閒與一二詩友游苑中。流水上得大梧葉。題詩云。一入深宮裏。年年不見春。聊題一片葉。寄與有情人。况明日於上流亦題云。愁。

見鶯囀柳絮飛上陽宮女斷腸時。君王不禁東流水。葉上題詩寄與誰。後十餘日。有客來苑中。又於葉上得詩以示。況曰。一葉題詩出禁城。誰人酬和獨含情。自嗟不及波中葉。蕩漾乘春取次行。其二。雲溪友議。盧渥舍人應舉之歲。偶臨御溝。見紅葉上有詩云。流水何太急。深宮盡日閒。殷勤謝紅葉。好去到人間。其三。北夢瑣言。進士李茵嘗游苑中。見紅葉自御溝出。上有詩曰。詩與盧渥同其四。玉溪編事。侯繼圖秋日於大慈寺倚欄樓上。忽木葉飄墜。上有詩曰。拭翠斂愁蛾。為鬱心中事。搦筆下庭除。書作相思字。此字不書名。此字不書紙。書向秋葉上。願逐秋風起。天下有心人。盡解相思死。

### 白紙詩

士人郭暉。因寄妻問。誤封白紙去。細君得之。乃寄一絕云。碧紗牕下啟緘封。尺紙從頭徹尾空。應是仙郎懷別恨。憶人全在不言中。

### 初三初四

有一川官在都乞差遣。一留三四年。題一詩在餽樓之壁曰。朝看貝葉牢籠佛。暮禮星辰取奉天。呼召歸來聞好語。初三初四亦欣然。初三初四即二僕也。此詩傳播都下。遂得缺而去。

### 韓詩白詩

韓退之多悲詩。三百六十言。哭泣者三十首。白樂天多樂詩。二千八百言。飲者九百首。

楊衡怨未偷詩

楊衡詩句。有一一鶴聲飛上天。最為自負。後因中表盜其文及第。衡追之。既怒。問一一鶴聲在否。曰。此句知兄最惜。不敢輒偷。衡始笑曰。猶可恕。

曼卿始為集句

集句自國初有之。未盛也。至石曼卿。人物開敏。以文為戲。然後大著。嘗見手書下第偶成云。一生不得文章力。欲上青雲未有因。聖主不勞千里召。姮娥何惜一枝春。鳳凰詔下雖雷命。豺虎叢中也立身。唬得血流無用處。著朱騎馬是何人。又云。年去年來來去忙。為他人作嫁衣裳。仰天大笑出門去。獨對東風舞一場。至元豐間。王文公益工於此。人言此自公始。非也。

古人詠錢

半輪殘月掩塵埃。依稀猶有開元字。想見清光未破時。買盡人間不平事。古人詠錢如此。以余觀之。錢之為錢。人所共愛。勢所必爭。骨肉親知。以之而構怨。稔釁。公卿大夫。以之而敗名喪節。勞商遠賈。以之而捐軀殞命。市井交易。以之而鬪毆戮辱。乍來乍去。倏貧倏富。其籠絡乎一世者。大抵福於人少。而禍於人多。嘗熟視其形模。金旁著兩戈字。真殺人之物。而世人莫之悟也。吁。錢乎錢乎。以我之貧。求汝活我。而不可得。我國無奈汝何。以我之不貪。汝欲殺我。而不可得。汝亦無奈我何。

博士贈盜

唐李涉過皖口之西遇大艦遏其征數十人持兵杖問是何人從者曰李涉博士船也其豪首曰若是李涉聞詩名久但得一篇金帛非敢取也李乃贈一絕云暮雨瀟瀟江上村綠林豪客夜知聞相逢不用相迴避世上於今半是君

生張熟魏

北都有妓女美色而舉止生硬土人謂之生張八因府會寇忠愍令乞詩於魏處士野野贈之詩曰君為北道生張八我是西州熟魏三莫怪尊前無笑語半生半熟未相諳

戚快樊屠

紹興間行都有三市井人好談今古謂戚彥樊屠尹昌也戚彥乃皇城司快行樊屠乃市肉尹昌乃傭書有無名人賦詩曰戚快樊屠尹彥時三人共坐說兵機欲問此書出何典昔時曾看王與之與之乃說書史人

縣前蘇小墓

嘉興縣西南六十步地志晉歌妓蘇小小墓今有片石在通判廳曰蘇小小墓徐凝寒食詩云嘉興郭裏逢寒食落日家家拜掃歸只有縣前蘇小小無人送與紙錢灰

冢下百年人

鄭郊過一冢上因駐馬吟曰冢上兩竿竹風吹常裊裊久不能續忽聞冢中言曰何不云

下有百年人。長眠不知曉。鄭驚問之。不復言矣。

贈妓唐王詩

徐參政微時。贈妓唐王詩云。上國新行巧樣花。一枝聊插鬢雲斜。嬌羞未肯從郎意。故把芳容半面遮。

妓贈新第詩

唐多才妓。有贈新第士人絕句。從此不知蘭麝貴。夜來新惹桂枝香。殊有風味。

張天覺百韻詩

無盡居士。少有俊譽。氣凌輩行。然頗以躁進獲譏。元豐中。嘗上裕陵百韻詩。有回看同列。驟不覺寸懷忙之句。裕陵讀之大笑。

王筠善押強韻

唐以前人和詩。初無用同韻者。直是先後相繼作耳。頃看類文。見梁武同王筠和太子懌悔詩云。仍取筠韻。蓋同用改字十韻也。詩人以來。始見有此體。筠後又取所餘未用者十韻。別為一篇。所謂聖智比三明。帝德光四表者。比次頗新巧。古詩之工。初不在韻上。蓋欲自出奇。後遂為格。乃知史於諸文士中。獨言筠善押強韻。以此。

芳儀曲

芳儀。江南國主李景女也。納土後。住京師。初嫁供奉官孫某。為武彊都監妻。生女。皆為遼。

中聖宗所獲封芳儀生公主一人。趙至忠虞部。自北虜歸朝。嘗仕遼為翰林學士。修國史。著虜庭雜紀。載其事。時晁補之為北都教官。覽其書而悲之。與顏復長道作芳儀曲云。金陵宮殿春霏微。江南花發鷓鴣飛。風流國主家千口。十五吹簫粉黛稀。滿堂詩酒皆詞客。奪錦揮毫在瑤席。後庭一曲風景改。收淚臨江悲故國。令公獻籍朝未央。勅書築第優降王。魏俘曾不輸織室。供奉一官奔武彊。秦淮潮水鍾山樹。塞北江南易國土。雙燕清秋夢柏梁。吹落天涯猶並羽。相隨未是斷腸悲。黃河應有卻還時。寧知翻手明朝事。咫尺山河不可期。倉皇三鼓溲沔岸。良人白馬人誰見。國亡家破一身存。薄命如雲任流轉。芳儀加我名字新。教歌遣舞不由人。採珠拾翠衣裳好。深紅暗盡驚胡塵。陰山射虎邊風急。嘈雜琵琶酒闌泣。舞罷徧數天河星。只有南箕近鄉邑。當年十指渡江來。不知十指身獨哀。中原骨肉又零落。黃鵠寄意何當回。生男自有四方志。女子那知出門事。君不見李陵椎髻泣窮邊。丈夫漂泊猶堪憐。江州廬山真風觀。李主有國日施財。修之刊姓氏於石。有太寧公主永嘉公主。皆李景女。不知芳儀者孰是也。

### 錦堂春詞

司馬溫公所製樂府詞。有西江月流傳最久。今又得一解。名錦堂春。紅日遲遲。虛廊轉影。槐陰迤邐。西斜。彩筆工夫。難狀晚景。煙霞蝶尚不知春去。漫繞幽砌。尋花。奈猛風過後。縱有殘紅。飛向誰家。始知青萍無價。數飄零官路。在萬年華。今日笙歌叢裏。特地咨嗟。席上

青衫溼透。算感舊何止易老。多少離愁散在天涯。

### 水龍吟詞

東坡水龍吟。笛詞八字謚楚山修竹。如雲異材。秀出千林表。此笛之質也。龍鬚半翦。鳳膺微漲。玉肌勻繞。此笛之狀也。木落淮南。雨晴雲夢。月明風嫋。此笛之時也。自中郎不見。將軍去後。孤負秋多少。此笛之事也。聞道嶺南太守。後堂深。綠珠嬌小。此笛之人也。綺牕學弄。梁州初試。霓裳未了。此笛之曲也。嚼徵含宮。汎商流羽。一聲雲杪。此笛之音也。為使君洗盡蠻烟瘴雨。作霜天曉。此笛之功也。五音已用其四。祇一角字作霜天曉歇後一角字。

### 吳江橋上題詞

有稱中興野人。和東坡念奴嬌詞。題吳江橋上。車駕巡師江表。過而覩之。詔物色其人。不復見矣。炎精中否。歎人才委靡。都無英物。胡虜長驅三犯關。誰作長城堅壁。萬國奔騰。兩宮幽恨。此恨何時雪。草廬三顧。豈無高卧賢傑。天意眷我中興。吾皇神武。踵曾孫周發。河海封疆俱效順。狂虜何煩灰滅。翠羽南巡。扣閭無路。徒有衝冠髮。孤忠耿耿。劍芒冷浸秋月。

此詞魄力沈雄。深情激越。足可與長公抗衡。

### 償釵詞

歐陽文忠任河南推官。親一妓。時文禧公為西京留守。一日宴於後園。客皆集。而妓後至。

公責之。妓云中暑。往涼堂睡著。覺失金釵。猶未見也。公曰。若得歐推官一詞。當為償汝。歐即席云。柳外輕雷池上雨。雨聲滴碎荷聲。小樓西角斷虹明。闌干倚徧。待月華生。燕子飛來。樓畫棟。玉鉤垂下。簾旌涼波不動。簾紋平。水晶雙枕。倚有墮釵橫。坐皆稱善。命妓酌歐。而令公庫償釵。

### 催妝詞

嘉王榜。王昂作狀元。始壻禮夕。婦家立需催妝詞。昂走筆好事近云。喜氣擁門闌。光動綺羅香陌。行到紫薇花下。悟身非凡客。不須朱粉汗天真。嫌怕太紅白。留取黛眉淺處。畫章臺春色。

### 薛沂叔守歲詞

一盤消夜江南果。喫果看書只清坐。罪過梅花料理我。一年心事。半生牢落。儘向今宵過。此身本是山中箇。纔出山來便差錯。手種青松應長大。縛茅深處。抱琴歸去。又是明年話。此薛詠沂叔客中守歲詞也。

檢楊升菴集六十一卷。明年話。作明年那。引後漢韓康傳。公是韓伯休那。杜詩杖藜不睡誰能那。那乃个切。去聲。語助也。用諸詞曲。話字不如那字較有情趣。

### 應次遽梅詞

次遽字正子。嗜酒。嘗自賞其梅。詞云。雪意嬌春。臘前粧點春風面。粉痕冰片。一笑重相見。